

ندمانه

ساعات بَحسِ إِننا ندمانه
وساعات بخاف من بحر الشوق
مش عايزه أعيش فى قصة حب
كفايه علىَ الماضي الصعب
وعيونى من الدموع دبلانه
لياخذني واغرق في الدوامة
ترجّع تاني عذاب القلب
وذكرى عيون غادره وخوانه

ساعات بَحسِ إِننا ندمانه

كان حبي مليان شوق وحنين
ضَيَعْتُهُ في لحظه بعد سنين
ضَيَعْتَنِي لِيه وإيه الأسباب
حَبَّكَ ده حقيقه ولا سراب
وقلبي ليك مخلص وأمين
حُبَّكَ كان فيها ضي العين
وسيبنتي اقاسي نار وعذاب
خَلَيْتَنِي لِيه تايهه وحيرانه

ساعات بَحسِ إِننا ندمانه

حبِّيَّتْكَ حب بقلب حنون
ليه تجرحني وحبى يهون
دلوقتي جاي بتقول سامحيني
وحيات كل دمعاه ف عيني
ولاكان على بالي إَنَّكَ حتخون
وتعيّشني في بحر ظنون
وإنسي جَرِحْكَ أو إجرحيني
ماحانسى رغم إِننا إنسانه

ساعات بَحسِ إِننا ندمانه